

摘藻堂四庫全書薈要

集部

欽定四庫全書薈要卷一萬八千九百八十四集部

御定佩文齋詠物詩選卷三百六十二

金沙花類

五言絕句

池上茶蘼架金沙花盛開

宋 王安石

故作茶蘼架金沙祇漫栽似矜顏色好飛度雪前開

次王荊公韻

宋 蘇軾

甲第非真有閒花亦偶栽聊為清淨供却對道人開

七言絕句

金沙花

宋
王安石

海棠開後數金沙
高架層層吐絳葩
咫尺西城無力到
不知誰賞魏家花

其二

茶蘼一架最先來
夾竹金沙次第栽
濃綠扶疎雲對起
醉紅撩亂雪先開

次荆公韻

宋
蘇軾

青李扶疎禽自來清真逸少手親栽深紅淺紫從爭發
雪白鵝黃也鬪開

其二

斫竹穿籬破綠苔小詩端為覓橙栽細看造物初無物
春到江南花自開

聞西省賞茶藤芍藥戲成小詩簡泰之侍講舍
人年兄并以丁香橄欖百枚助筵却求殘花
數枝

宋
周必大

滿架冰肌含碧雲
翻階翠袖映紅裊
玉堂只有金沙在
伴直明朝又屬君

御定佩文齋詠物詩選卷三百六十二

欽定四庫全書薈要卷一萬八千九百八十五

集部

御定佩文齋詠物詩選卷三百六十三

金錢花類

七言絕句

金錢花

唐

盧肇

輪郭休誇四字書紅窠寫出對庭除
時時買得佳人笑本色金錢却不如

金錢花

唐

來鵬

也無稜廓也無神露洗還同鑄出新青帝若教花裏用
牡丹應是得錢人

金錢花

唐
皮日休

陰陽為炭地為爐鑄出金錢不用模莫向人前逞顏色
不知還解濟人無

金錢花

唐
吳仁璧

淺絳濃香幾葉勻日鎔金鑄萬家新堪疑劉寵遺芳在
不許山陰父老貧

金錢花

唐石懋

名貴已居三品上價高仍在五銖先
春來買斷深紅色
燒得人心似火然

御定佩文齋詠物詩選卷三百六十三

欽定四庫全書薈要卷一萬八千九百八十六

集部

御定佩文齋詠物詩選卷三百六十四

罌粟花類

即米囊花

七言律

滇南二月罌粟花盛開皆千葉紅者紫者白者
微紅者半紅者傅粉而紅者白膚而絳脣者
丹衣而紫純者殷如染茜者一種而具數色
絕類麗春譜之所云

明

程本立

鄧闌東風不作寒米囊花似夢中看珊瑚舊是王孫玦
瑪瑙猶疑內府盤嘶過驂騑金匱匝飛來蛺蝶玉闌干
瘴煙窟裏身今老春事關心思萬端

七言絕句

西歸出斜谷

唐
雍陶

行過險棧出褒斜歷盡平川似到家萬里客愁今日散
馬前初見米囊花

米囊花

宋
楊萬里

鳥語蜂喧蝶亦忙，爭傳天詔詔花王。
東皇羽衛無供給，探借春風十日糧。

罌粟

宋謝幼槃

鉛膏細細點花梢，道是春深雪未消。
一斛千囊蒼玉粟，東風吹作米長腰。

其二

茶粒齊圓剖罌子，作湯和蜜味尤宜。
中年強飯却丹石，安用咄嗟成淖糜。

東山紀別

明僧圓復

谷口風斜斗笠狂
米囊夾路白於霜
山童不揜谿頭寺
一任閒雲滿竹廊

御定佩文齋詠物詩選卷三百六十四

欽定四庫全書薈要卷一萬八千九百八十七

集部

御定佩文齋詠物詩選卷三百六十五

玉簪花類

五言古

同白兄賦瓶中玉簪

金元好問

畏景衆芳歇仙葩此夷猶冰姿出新沐娟娟倚清秋昨
夢今見之風鬟玉搔頭誰言閨房秀高情渺林丘碧筵
古銅壺一室香四周懷人成獨詠遠思徒悠悠

王簪

元劉因

堂陰秋氣集幽花，獨清新臨風玉簪。
含情待何人含情不自展，未展情更真。
徘徊明月光泛泛，如相親。因之欲有託，
風鬟渺水輪。

七言律

陳中丞翊東齋賦白玉簪

唐盧綸

美矣新成太華峰，翠蓮枝折葉重重。
松陰滿澗閒飛鶴，潭影通雲暗上龍。
漠漠水香風頗馥，涓涓乳溜味何濃。

因聲遠報浮丘子不奏登封時不容

玉簪花

宋 方廣德

不信搔頭花底重數莖秋濯露溶溶腰憎荆玉生前折
影比崔娘月下逢摘去何人憐素腕揷來是處映秋容
薄愁莫減冰霜骨十二金釵好向從

玉簪

元 劉 因

花中冰雪避秋陽月底陰陰鎖暗香玉瘦每憂和露摘
心清惟恨有絲長且畱宛轉圓沈水莫遣聯翩入粉囊

只許幽人太相似蒼苔疎雨北窗涼

體齋西軒觀玉簪花偶作

明
李東陽

小園紆步玉堂陰堂下花開白玉簪
浥露餘香猶帶濕出泥幽意敢辭深
冰霜自與孤高色風雨長懷采掇心
醉後相思不相見月庭如水正難尋

七言絕句

玉簪花

唐
羅隱

雪魄冰姿俗不侵阿誰移植小窗陰
若非月姊黃金釧

難買天孫白玉簪

玉簪

宋
王安石

瑤池仙子宴流霞
醉裏遺簪幻作花
萬斛濃香山麝馥
隨風吹落到君家

玉簪

宋
黃庭堅

宴罷瑤池阿母家
嫩瓊飛上紫雲車
玉簪墮地無人拾
化作東南第一花

玉簪

明
王冕

玉色瓷盆綠柄深夜涼移向小窗陰兒童莫訝心難展
未展心時正似簪

玉簪花

明
李東陽

昨夜花神出蕊宮綠雲裊裊不禁風粧成試照池邊影
祇恐搔頭落水中

涼夜

明
湯珍

明河流影散雲霞南斗離離北斗斜月色露華涼似水
金螢飛墮玉簪花

御定佩文齋詠物詩選卷三百六十五

欽定四庫全書薈要卷一萬八千九百八十八

集部

御定佩文齋詠物詩選卷三百六十六

鳳仙花類

五言古

鳳仙花

宋
劉敞

手植中庭地分破紫蘭
畹綠葉紛映階紅芳爛
盈眼輝輝丹穴禽矯矯
翅翎展

感寓

明
劉基

庭前金鳳花向晚爭媚嫵但見白露滋豈知繁霜苦芳
時良可惜此物何足數

五言絕句

詠鳳仙花

明林 姪

鳳鳥久不至花枝空復名何如學葵藿開即向陽傾

七言絕句

鳳仙花

唐吳仁璧

香紅嫩綠正開時冷蝶飢蜂兩不知此際最宜何處看

朝陽初上碧梧枝

金鳳花

宋晏殊

九苞顏色春霞萃丹穴威儀秀氣攢題品直須名最上
昂昂驤首倚朱欄

金鳳花

宋歐陽脩

憶繞朱欄手自栽綠叢高下幾番開中庭雨過無人跡
狼藉深紅點綠苔

金鳳花

宋楊萬里

細看金鳳小花叢費盡司花染作工雪色白邊袍色紫
更饒深淺四般紅

夏日絕句

楊萬里

不但春妍夏亦佳隨緣花草是生涯
鹿蔥解插纖長柄金鳳仍開最小花

御定佩文齋詠物詩選卷三百六十六

欽定四庫全書薈要卷一萬八千九百八十九集部

御定佩文齋詠物詩選卷三百六十七

雞冠花類

五言古

雞冠花

宋
梅堯臣

秋至天地閉百芳變枯草愛爾得雄名宛然出陳寶未
甘階墀陋肯與時節老赤玉刻璵栗丹芝謝彫槁鮮鮮
雲葉卷粲粲鳬翁好由來名實副何必榮華早君看先

春花浮浪難自保

其二

神農紀百卉五色異甘酸乃有秋花實全如雞幘丹籠
煙何聳聳泣露更團團取譬可無意得名殊足觀通真
歸造化任巧即彫刻赤玉書留魏丹砂句誦韓誠能因
物比誰謂入時難有客驅詞穎臨風運筆端嘗嗟古吟
闕每惜此芳殘揣情苦精妙繼音慙未安

雞冠

元

郝經

夷則播新律卉木協秋候綰結流火餘的皪金天宿我
我列庭除摘摘儼雄秀炎帝朝火官絳幘軒宇宙植立
竟不拜離披擁青袖奕葉初類覓吐心漸如豆脈絡引
絲起一片珊瑚瘦雲芝茁紅腴紫茵卷翠脰碎顆感丹
砂肉綻殷血透怒割赤龍耳勁磔還亂糅麻葉薄且聳
山字缺仍覆查牙欲成角擁腫下連味生全餘小穗展
盡帶殘皺昂藏偃膺高突兀出羣驟還將早霞映欲向
朝日雖月露終夜棲風雨幾回鬪再礪復自止交退誰

與救區區閒草花象物與接構弭兵日觀戰亦是自貽
咎垂簾且相忘高枕卧清晝

七言絕句

雞冠花

唐
羅鄴

一枝濃艷對秋光露滴風搖倚砌傍曉景乍看何處似
謝家新染紫羅囊

雞冠花

宋
王洙

如飛如舞對瑤臺一頂春雲若剪裁誰教移根蔓莢畔

王雞知應太平來

種花口號

宋 孔平仲

幽居裝景要多般帶雨移花便得看
禁奈久長顏色好
繞階更使種雞冠

御定佩文齋詠物詩選卷三百六十七

欽定四庫全書薈要卷一萬八千九百九十

集部

御定佩文齋詠物詩選卷三百六十八

牽牛類

五言古

牽牛

元郝經

野花照天星星中花亦盛長夏蔓草深疎籬掩斜徑幽
庭日無事森寂澹相映繚繞絲亂垂點綴葉相並金風
一披拂零露光彩競參差碧玉簪綰插滑欲迸霜絲吐

冰同容色好娟淨堂陰青錦張牆背紫苔瑩時方鵲橋
成佳節當秋孟織女能翦裁天河洗尤稱女以秋為期
郎將花作證風雨開雲屏鸞凰鏘月鏡處處乞巧筵家
家喜相慶五年江館客萬事成墮甌不能致龍節空自
悲虎穿永日麈炎蒸中暑甘卧病對花淚盈目坐起不
覺暝雲漢見雙星回頭看斗柄遙憐小兒女昏嫁俱未
竟中流虞風波相見何日更

牽牛

明
吳寬

本草載藥品草部見牽牛薰風籬落間蔓生甚綢繆誰
琢紫玉簪葉密花仍稠日高即擎斂定是朝菌倚陰氣
得獨盛下劑斯見收便須作花菴誰與迂叟謀

七言絕句

牽牛花

宋
楊萬里

莫笑渠儂不服箱天孫為織碧雲裳浪言偷得星橋巧
只解冰盤染苧薑

其二

曉思歡欣晚思愁繞籬縈架太嬌柔木犀未發芙蓉落
買斷西風恣意秋

楊休烈邨居

金馬定國

籬落牽牛放晚花西風吹葉滿人家閉門久雨青苔滑
時見鴛鴦下白沙

題柯敬仲畫

元虞集

牽牛引蔓上棠梨上有幽禽夜夜棲自信秋風動疎竹
江南落月不須啼

客舍詠牽牛花

元倪瓚

小盤承露淨鉛華
玉露依稀染碧霞
弱質幽姿娛我老
傍人籬落蔓秋花

隱居

明葉子奇

蒼石紅泉少隱家
牽牛延蔓繞籬笆
不知滿徑秋多少
涼露西風澹泊花

寓玉清觀

葉子奇

徑草微微護淺沙
小山叢竹玉清家
牽牛延蔓無多碧

點綴秋光一兩花

御定佩文齋詠物詩選卷三百六十八

欽定四庫全書薈要卷一萬八千九百九十一集部
御定佩文齋詠物詩選卷三百六十九

杜若花類

五言古

詠杜若

梁沈約

生在窮絕地豈與世相親
不顧逢采擷本欲芳幽人

五言絕句

池上亭

唐錢起

臨池構杏梁待客歸煙塘水上褰簾好蓮開杜若香

七言絕句

六月二十七日望湖樓醉書

宋蘇軾

獻花遊女木蘭橈細雨斜風濕翠翹無限芳洲生杜若
吳兒不識楚詞招

題畫圖

元陳旅

雨餘空翠轉霏霏杜若洲邊小艇歸又為故人臨野閣
江雲日暮濕秋衣

謾成

元馬臻

蕭蕭野老髮垂肩
家住湖西杜若煙
載得芟根入城賣
西風落日滿歸船

望武昌

明楊基

吹面風來杜若香
離離煙柳拂鷗長
人家鸚鵡洲邊住
一向開門對漢陽

越江曲

明梁有譽

橫塘風起送新涼
蒲葉拍波江水長
莫道春歸花落盡

中流還有杜衡香

御定佩文齋詠物詩選卷三百六十九

欽定四庫全書薈要卷一萬八千九百九十二

集部

御定佩文齋詠物詩選卷三百七十

菖蒲類

五言古

菖蒲

闕名

石上生菖蒲一寸八九節仙人勸我餐令人好顏色

樂府體

唐

曹鄴

蓮子房房嫩菖蒲葉葉齊共結池中根不厭池中泥

和子由記園中草木

宋蘇軾

自我來關輔南山得再遊山中亦何有草木媚深幽
菖蒲人不識生此亂石溝山高霜雪苦苗葉不得抽
下有千歲根蹙縮如蟠虬長為鬼神守德薄安敢偷

菖蒲

宋裴萬頃

康廬入吾懷十載馳夢魂踵門者何人遺余以芳蓀
歡然得其趣如對五老言幽姿出巖谷常帶冰雪痕
塵容為一洗兩目不復昏忽思三峽流褰衣涉潺湲
因仍一

寸石浸潤九節根人言可扶老歲月須其蕃茲理諒不
誣吾將從綺園

效孟郊體

宋謝翱

手持菖蒲葉洗根澗水渌雲生巖下石影落莓苔枝忽
起逐雲影覆以身上衣菖蒲不相待逐水流下谿

長短句

寄菖蒲

唐張籍

石上生菖蒲一寸十二節仙人勸我食令我頭青面如

雪逢人寄君一絳囊書中不得傳此方君能來作棲霞
侶與君同入丹元鄉

七言律

和子由盆中石菖蒲忽生九花

宋

蘇軾

春蕘秋英兩須臾神藥人間果有無無鼻何由識
蒼苔有花今始信菖蒲芳心未飽兩蛺蝶寒意知鳴幾蟪蛄
記取明年十二節小兒休更籬霜鬚

五言絕句

雜興

唐
陸龜蒙

桃李傍簷楹無人賞
春華時情重不見卻憶菖蒲花

石菖蒲

宋
王十朋

天上玉衡散結根
泉石間要須生九節
長為駐紅顏

過紫微菴訪馮道士

元
薩都拉

道士愛幽居
年來一事無
盆池新雨過
石上種菖蒲

七言絕句

送顧非熊秀才歸丹陽

唐王 建

江城柳色海門煙欲到茅山始下船知道君家當瀑布
菖蒲潭在草堂前

寄茅山孫鍊師

唐李德裕

石上谿孫發紫茸碧山幽靄水溶溶菖花定是無人見
春日唯應羽客逢

贈常州報恩長老

宋蘇軾

碧玉盤盛紅馬腦井花水養石菖蒲也知法供無窮盡

試問禪師得飽無

採菖蒲

宋
陳與義

閒行澗底採菖蒲
千歲龍蛇抱石臞
明朝却覓房州路
飛下山顛不用扶

寄謝劉彥集菖蒲之貺

宋
朱子

君家蘭杜久萋萋
近養菖蒲綠未齊
乞與幽人伴岑寂
小窗風露日低迷

謝吳公濟菖蒲

朱子

翠羽紛披一尺長帶烟和雨過書堂知君別有臞仙種
容易難教出洞房

御定佩文齋詠物詩選卷三百七十

欽定四庫全書薈要卷一萬八千九百九十三

集部

御定佩文齋詠物詩選卷三百七十一

芭蕉類

附美人蕉

五言古

芭蕉贊

宋謝靈運

生分本多端芭蕉知不一含萼不結核敷華何由實至
人善取譬無宰誰能律莫昵緣合時當視分散日

甘蕉

梁沈約

抽葉固盈丈擢本信蕪園
流甘掩柳實弱縷冠絺衣

紅蕉

唐柳宗元

晚英值窮節綠潤含珠光
以茲正陽色窈窕凌清霜
遠物世所重旅人心所傷
迴暉眺林際戚戚無遺芳

芭蕉

唐杜牧

芭蕉為雨移故向窗前鍾
憐渠點滴聲留得歸鄉夢
夢遠莫歸鄉覺來一翻動

詠池上芭蕉

明袁凱

亭亭虛心植冉冉繁陰布既掩猗蘭砌還覆莓苔路卷
舒今自知衰榮隨所寓默契方在茲臨軒挹清醕

蕉石亭

明顧璘

怪石如筆格上植蕉葉青蒼然太古色得爾增娉婷欲
攜一斗墨葉底書黃庭拂拭坐盤礴風雨秋冥冥

五言排律

詠蕉

明徐桂

根自蘇臺徙陰生蔣徑幽當空炎日障倚檻碧雲流未

展心如結微舒葉漸抽
瑣窗迷翠黛張幕動青油
書借臨池用光分汗簡
留流甘掩中土為綌衣
南州只益莓苔潤翻令
蕙若憂荷風同委露梧
葉共鳴秋夢境知誰
得人生似爾浮漫勞彈
事苦終日傍林丘

七言律

書庭蕉

明

王守仁

簷前蕉葉綠成林
長夏全無暑氣侵
但得雨聲連夜靜
何妨月色半牀陰
新詩舊葉題將滿
老艾疎桐恨轉深

莫笑鄭人談訟鹿至今醒夢兩難尋

詠芭蕉

明張縉

長葉翩翩綠玉叢
植來況是近梧桐
美人閒立秋風裏
羈客孤眠夜雨中
情逐舞鸞偏易感
事隨夢鹿渺難窮
太湖石畔新涼院
何處吹簫月滿空

七言排律

戲題陰涼室階前芭蕉

明僧良琦

新種芭蕉繞石房
清陰早見落書牀
根霑零露北山潤

葉帶濕雲南澗涼得地初依蒼石瘦抽心欲並綠筠長
雨聲夜響顛崖瀑晴碧朝浮海日光樗櫟自慚全壽命
梗楠合媿託巖廊觀身政憶維摩語草字寧追懷素狂
白晝棲遲吾計拙青霄偃仰汝身強歲寒要使交期在
莫畏空山有雪霜

五言絕句

芭蕉

唐

路德延

一種靈苗異天然體性虛葉如斜界紙心似倒抽書

芭蕉

宋 朱子

芭蕉植秋檻勿云憔悴姿與君障夏日羽扇寧復持

紅蕉

朱子

弱植不自持芳根為誰好雖微九秋幹丹心中自保

齋前芭蕉

明 高啟

靜遶綠陰行閒聽雨聲卧還有感秋詩窗前書葉破

為友人寫蕉

明 沈周

便欲開船去因君更寫蕉要知相憶地葉上雨瀟瀟

題美人蕉

明
皇甫汈

帶雨紅妝濕迎風翠袖翻
欲知心不卷遲暮獨無言

七言絕句

紅蕉

唐
徐凝

紅蕉曾到嶺南看較小芭蕉
幾一般差是斜刀剪紅絹
卷來開去葉中安

蕉葉

唐
徐黃

綠綺新裁織女機擺風搖日影
離披只應青帝行春罷

閒倚東牆卓翠旗

未展芭蕉

唐錢珣

冷燭無烟綠蠟乾
芳心猶卷怯春寒
一緘書札藏何事
會被東風暗拆看

雜題

宋王安石

紫燕將雛語夏深
綠槐庭院不多陰
西窗一夜無人問
展盡芭蕉數尺心

芭蕉

宋張載

芭蕉心盡展新枝
新卷新心暗已隨
願學新心養新德
旋隨新葉起新知

詠芭蕉

宋 楊萬里

骨相玲瓏透八窗
花頭倒插紫荷香
繞身無數青羅扇
風不來時也自涼

題樂靜軒

明 王 紱

竹几藤床小硯屏
薰風簾幕篆烟青
閒齋幾日黃梅雨
添得芭蕉綠滿庭

芭蕉美人

明夏寅

曉妝纔罷思徘徊羅襪輕移步綠苔試向芭蕉問春信
一絨芳札為誰開

題蕉

明沈周

慣見閒庭碧玉叢春風吹過即秋風老夫都把榮枯事
却寄蕭蕭數葉中

府江雜詩

明謝少南

冬炎卉木未蕭條暫倚蓬窗旅况銷樹架綠垂君子蔓

崖林紅破美人蕉

雨蕉

明
湯顯祖

東風吹展半廊青
數葉芭蕉未擬聽
記得楚江殘雨夜
背燈人語醉初醒

御定佩文齋詠物詩選卷三百七十一

欽定四庫全書薈要卷一萬八千九百九十四

集部

御定佩文齋詠物詩選卷三百七十二

石竹花類

五言古

魏倉曹宅各賦一物得當軒石竹

唐

李頎

羅生殊衆色獨為華表滋雖雜蘭蕙處無爭桃李時同
人趨府暇落日後庭期密葉散紅點靈條驚紫蕤芳菲

看不厭採摘願來茲

詠石竹

宋張耒

真竹乃不花爾獨豔暮春何妨兒女眼
謂爾勝霜筠世無王子猷豈無知竹人
粲粲好自持時來稱此君

五言律

答李滁州題庭前石竹花見寄

唐獨孤及

殷疑曙霞染巧類匣刀裁不怕南風熱
能迎小暑開遊

蜂憐色好思婦感年催覽贈添離恨愁腸日幾迴

雲陽寺石竹花

唐司空曙

一自幽山別相逢此寺中高低俱出葉深淺不分叢野
蝶難爭白庭榴暗讓紅誰憐芳最久春露到秋風

七言律

賦石竹

元虞集

積雪初消萼綠華東風吹動絳綃霞龍嘘石氣千年潤
鶴過林陰一徑斜刻字欲尋金錯落析旌如織翠交加

綺窗坐對吹笙煖未覺人間歲月賒

五言絕句

石竹花

唐
皇甫冉

數點空階下閒凝細雨中那能久相伴嗟爾滯秋風

七言絕句

石竹花詠

唐
陸龜蒙

曾看南朝畫國娃古蘿衣上散明霞而今莫共金錢鬪
買却春風是此花

石竹

宋

王安石

麝香眠後露檀勻
繡在羅衣色未真
斜倚細叢如有意
冷搖數朶欲無春

賦石竹

元

蒲道源

短籬新見出梢梢
蔥蒨都無尺許高
茜色芳葩工點綴
莫教容易混蓬蒿

御定佩文齋詠物詩選卷三百七十二

欽定四庫全書薈要卷一萬八千九百九十五

集部

御定佩文齋詠物詩選卷三百七十三

葉類

五言古

落葉

隋

孔紹安

早秋驚落葉飄零似客心
翻飛未肯下猶言惜故林

落葉

明

王問

枕上聞朔風夜半聲策策曉來繁
林空落葉卷庭石乘

運固其然芬菲豈自惜悟彼歸根言獨與至人說

落葉

明 徐良彥

落葉不上枝因風亦復起清風若無私何因有彼此一
葉隨飄揚一葉沾泥滓寄語風前葉莫墮東流水多謝
三春風山中多蘭芷

長短句

落葉行

元 吳師道

山窗獨眠抱秋冷四壁無聲中夜醒天清急雨忽萬點

月出枯虵紛衆影開門颯颯非故林滿空亂葉搏愁陰
石澗流紅細泉咽蘚痕掩碧孤蛩吟高秋共誰聽蕭瑟
却憶江南遠遊客楚天搖落白日高萬里扁舟蕩春色
江南客來歸山中葉亦稀相思繞遍寒樹下有恨願隨
秋風吹山空夜寒風漸微慘慘霜露霑人衣征鴻獨叫
殘雲飛

五言律

和杜錄事題紅葉

唐

白居易

寒山十月旦霜葉一時新似燒非因火如花不待春連
行排絳帳亂落剪紅巾解駐籃輿看風前唯兩人

聞落葉

唐僧齊己

楚樹霜晴後蕭蕭落晚風因思故國夜臨水幾株空煮
茗燒乾翠行苔蹈爛紅來年未離此還見碧叢叢

墮葉

唐僧無可

遶巷夾谿紅蕭條逐北風別林遺宿鳥浮水載鳴蟲石
小埋初盡枝長落未終帶霜書麗什閒讀白雲中

賈葉

元僧善住

霜後色初變，風高始亂零。
和雲流遠澗，雜雨下空庭。
掃處兼僧影，燒時帶鶴翎。
翻思在春日，繞屋政青青。

賦蜘蛛落葉

明許繼

秋氣感木葉，故林飄墜時。
不成棲蔓草，還復綴蛛絲。
屢舞涼風得，高懸落照宜。
多情似留戀，爭奈已辭枝。

賦得窗中度落葉

明莫是龍

綺疏臨野渡，秋樹響前林。
颯颯含風入，紛紛逗雨深。
拂

來紅袖掩積處綠塵侵誰送哀蟬曲無端攪客心

窗中度落葉

明 張文柱

裊裊回風下蕭蕭薄歲陰一山方隱几片雨自前林重
以輕霜色淒其入曲心高居尚搖落不敢更登臨

見落葉

明 王 醇

朝來見落葉因悔向林行飛鳥不無意何人非有生枝
容昨夜月秋減一邛聲轉禁樵童入留茲長道情

落葉

明 僧宗泐

一片復一片西風與北風
但看階下滿不覺樹頭空
綴服猶堪用題詩自不工
山童朝更掃閒委古牆東

五言排律

一葉落

唐薛能

輕葉獨悠悠天高片影流
隨風來此地何樹落先秋
變色黃應近辭林綠尚稠
無雙浮水面孤絕落關頭
乍減誠難覺將凋勢未休
客心空自比誰肯問新愁

七言律

紅葉

唐
吳融

露染霜乾片片輕
斜陽照處轉烘明
和煙飄落九秋色
隨浪泛將千里情
幾夜月中藏鳥影
誰家庭際伴蛩聲
一時衰颯無多恨
看著春風綵剪成

紅葉

明
徐渭

纔見芳華照眼新
又看紅葉點衣頻
只言春色能驕物
不道秋霜解媚人
宮水正寒愁字字
吳江初冷錦鱗鱗
更餘一種閒風景
醉雜黃花野老巾

七言排律

楓林

明
于若瀛

禁城玉樹漸秋深，楓色淒淒滿上林。
萬片作霞延日麗，幾株含霧苦霜吟。
斜連雙闕輝青瑣，倒景平津映碧浔。
歧葉著飈聲瑟瑟，殷紅過雨色沈沈。
雜黃間綠緣成錦，委砌飄簷埒作金。
向夕轉深嬌落照，因風散響怖棲禽。
城頭迴接青岑遠，殿角寒生繡幄陰。
幾度朝昏勞悵望，徘徊故苑倍蕭森。

五言絕句

奉和元日賜羣臣柏葉

唐李乂

勁節凌霜勁芳心待歲方能令益人壽非止麝含香

奉和元日賜羣臣柏葉

唐趙彥昭

器乏雕梁器材非構厦材但將千歲葉常奉萬年杯

奉和元日賜羣臣柏葉

唐武平一

綠葉迎春綠寒枝歷歲寒願持柏葉壽長奉萬年歡

落葉

唐王建

陳綠尚參差初紅已重疊中庭初掃地繞樹三兩葉

醉中對紅葉

唐

白居易

臨風杪秋樹對酒長年人醉貌如霜葉雖紅不是春

江上楓

唐

成彥雄

江楓自翦鬱不競松筠力一葉落漁家斜陽帶秋色

龍興道中

宋

晁沖之

澗道垂黃花山城擁紅葉人爭小舟渡馬就平沙涉

閒題樹葉上

元

馬祖常

秋意鳳城多涼颺奈夜何題詩滿霜葉不見洞庭波

題黃子久小畫

明高啟

谿水雖多曲舟行不憚賒山山秋葉赤猶復似桃花

蘭葉

明張羽

泛露光偏亂含風影自斜俗人那解此看葉勝看花

七言絕句

王起居獨遊青龍寺翫紅葉因寄

唐羊士諤

十畝蒼苔遶畫廊
幾株紅樹過清霜
高情還似看花去
閒對南山步夕陽

山行

唐
杜牧

遠上寒山石徑斜
白雲生處有人家
停車坐愛楓林晚
霜葉紅於二月花

秋行

宋
徐璣

紅葉枯梨一兩株
條然秋思滿山居
詩懷自嘆多塵土
不似秋來木葉疎

落葉

宋 宋伯仁

卷地西風促雨來，掃除黃葉滿蒼苔。
垂楊已有青青眼，只礙梅花未敢開。

秋

宋 裘萬頃

數聲牧笛日將晚，一曲樵歌山更幽。
解帶盤桓小谿上，坐看紅葉泛清流。

楓葉

宋 朱淑真

江空木落雁聲悲，霜入丹楓百草萎。
蝴蝶不知身是夢，

又隨春色上寒枝

邨居

金馬定國

柿葉經霜菊在谿
天寒落日見雞棲
西家有客簞新酒
紅葉蕭蕭蓋芋畦

江天秋晚圖

金王繪

萬頃波間踏浪兒
瀟湘秋晚趁歸時
四山紅葉風聲健
散入儂家欸乃詞

雜詩

金劉豫

古渡停驂日向沈淒涼歸思梗清吟碧山幾點塞天闊
紅葉一林秋意深

山園梨葉有青紅相半者戲作一詩

金
元德明

霜輕霜重偶然中一葉雖殊萬葉同不信世間閒草木
解隨兒女作青紅

題高氏所藏畫圖

元
陳旅

誰家林麓近谿灣高樹扶疎出石間落葉盡隨谿雨去

只留秋色滿空山

無題

元
朱德潤

索索西風白露零
隔林砧杵助秋聲
欲尋隱者門前路
落葉漫山礙屐行

泊閭門

元
顧瑛

楓葉蘆花暗畫船
銀箏斷絕十三絃
西風只在寒山寺
長送鐘聲攪客眠

山居吟

元
僧清珙

深秋時節雨霏霏
蘇葉層層印虎蹄
一夜西風吹不住
曉來黃葉與階齊

題紅葉仕女

明談震

初試宮妝步玉除
詩成把筆更躊躇
舊愁新恨知多少
盡向霜紅葉上書

柏坊驛題壁

明姚汝循

風雨蕭蕭滯客程
荒亭獨宿峭寒生
今宵羈思知多少
聽盡千山墮葉聲

賦得千山紅樹送人

明 柳應芳

蕭蕭淺絳霜初醉
撼撼深紅雨後然
染得千林秋一色
還家只當是春天

題扇送客懷長蘅湖上

明 程嘉燧

送客西樓落木風
鬢絲吹斷酒巾空
危廊斜日雲居寺
霜葉仍欺二月紅

玉岑閒行口占

明 李流芳

玉岑山脚水縈洄
寒日暉暉下稻堆
穿過松岡尋法相

滿空黃葉打頭來


石門

明
廖孔說

石門酒薄客愁寬
誰念霜谿曉被寒
偶見鄰舟說紅葉
更疎雨夢長干



御定佩文齋詠物詩選卷三百七十三



總校官庶吉士臣侍朝

校對官檢討臣王坦修

謄錄監生臣吳紹恩

謄錄監生臣秦長馨

欽定四庫全書薈要

集部

御定詠物詩選卷三百

七十四至
八十六

詳校官原任主事_臣李斯咏

欽定四庫全書薈要卷一萬八千九百九十六

集部

御定佩文齋詠物詩選卷三百七十四

雜樹類

五言古

詠疏楓

梁簡文帝

萎綠映葭青
疏紅分浪白
花葉灑行舟
仍持送遠客

植靈壽木

唐柳宗元

白華鑒寒水
怡我適野情
前趨聞長老
重復欣嘉名
蹇

連易衰朽方剛謝經營敢期齒杖賜聊且移孤莖叢萼
中競秀分房外舒英柔條乍反植勁節常對生循翫足
忘疲稍覺步武輕安能事剪伐持用資徒行

宥老楮

宋
蘇軾

我牆東北隅張王維老穀樹先樗櫟大葉等桑柘沃流
膏馬乳漲墮子楊梅熟胡為尋丈地養此不材木蹶之
得輿薪規以種松菊靜言求其用畧數得五六膚為蔡
侯紙子入桐君錄黃繒練成素黥面頰作玉灌灑蒸生

菌腐餘光吐燭雖無傲霜節幸免狂酲毒孤根信微陋
生理有倚伏投斧為賦詩德怨聊相贖

五言律

題椰子樹

唐沈佺期

日南椰子樹香裊出風塵叢生調木首圓實櫝椰身玉
房九霄露碧葉四時春不及塗林果移根隨漢臣

同李郎中淨律院桺子樹

唐包何

木桺稀難識沙門種則生葉殊經寫字子為佛稱名瀟

水澆新長燃燈煖更榮
亭亭無別意只是勸修行

五言排律

興善寺貝多樹

唐張喬

還應毫末長始見拂丹霄
得子從西國成陰見昔朝
勢隨雙刹直寒出四牆遙
帶月啼春鳥連空噪暝蜩
遠根穿古井高頂起涼飈
影動懸燈夜聲繁過雨朝
靜遲松桂老堅任雪霜彫
永共終南在應隨劫火燒

五言絕句

詠梭樹

唐 徐仲雅

葉似新蒲綠身如亂錦纏任君千度剝意氣自衝天

七言絕句

憑何十一少府邕覓檀木栽

唐 杜甫

草堂墜西無樹林非子誰復見幽心飽聞檀木三年大
與致谿邊十畝陰

木蓮樹

唐 白居易

如折芙蓉栽旱地似拋芍藥挂高枝雲埋水隔無人識

唯有南賓太守知

林下樗

白居易

香檀文桂苦雕鐫
生理何曾得自全
知有無材老樗否
一枝不損盡天年

紅荊

唐
元稹

庭中栽得紅荊樹
十月花開不待春
直到孩提盡驚怪
一家同是北來人

戲題樺皮

元
袁
桷

褐裳新脫玉層層
紅葉朱蕉謝不能
擬製小冠韜短髮
意行雲水一枝藤

紀興

明

吳鼎芳

道人贏得半生閒
枕上清泉座上山
猶有半生閒不得
娑羅影裏叩禪關

御定佩文齋詠物詩選卷三百七十四

欽定四庫全書薈要卷一萬八千九百九十七

集部

御定佩文齋詠物詩選卷三百七十五

雜花類

五言古

紅花

宋

文帝

紅藍與芙蓉
我色與歡敵
莫案石榴花
歷亂聽儂摘

麗春

唐

杜甫

百草競春華
麗春應最勝
少須好顏色
多漫枝條剩
紛

紛桃李枝處處總能移如何貴此重却怕有人知

崔元受少府自貶所還遺山薑花以詩答之

唐
劉禹錫

故人博羅尉遺我山薑花採從碧海上來自謫仙家雲
濤潤孤根陰火照晨葩靜搖扶桑日豔對瀛洲霞世人
受苦辛塞擷忘幽遐傳名入帝里飛驛辭天涯王濟本
尚味石崇方鬪奢堆盤多不識綺席乃增華驛馬損筋
骨貴人滋齒牙顧予藜藿士持此重咨嗟

惜郁李花

唐
白居易

樹小花鮮妍香繁條軟弱高低二三尺重疊千萬萼朝
豔靄霏霏夕凋紛漠漠辭枝朱粉細覆地紅綃薄由來
好顏色常苦易銷鑠不見葭蕩花狂風吹不落

七言古

附長短句

優鉢羅花歌

唐
岑參

白山南赤山北其間有花人不識綠莖碧葉好顏色葉
六瓣花九房夜掩朝開多異香何不生彼中國今生西

方移根在庭嬾我公堂耻與衆草之為伍何亭亭而獨
芳何不為人之所賞兮深山窮谷委嚴霜吾竊悲陽關
道路長曾不得獻於君王

謝王參議送練春紅二枝

元
袁
桷

玉堂老仙翫幽獨閉戶無人似初溽倚闌岸幘領孤芳
藪藪輕紅冠羣綠化工有意卑凡卉積李崇桃空眩目
爭先鬪巧等堪憐已向東風盡驅逐此花清妍淨如洗
收拾餘春傲榮辱何郎湯餅徒試妝太真溫泉空賜浴

天然生色鑄真態亭午低頭睡初足誰言花后最奇絕
我怪酪奴能汙觸嫣然一笑奉清歡莫把金尊歌別鵲
并刀妙翦駢頭來珠露淋漓裛新感似嫌凡子多京塵
却恨高人付流俗微風澹蕩新雨生強拭愁容吐殘馥
擬將色筆寫清意綺語非工那忍瀆徘徊中庭月過半
翠袖娟娟泣寒玉

五言律

夏中崔中丞宅見海紅搖落一花獨開

唐 劉長卿

何事一花殘
閒庭百草闌
綠滋經雨發
紅豔隔林看
竟日餘香在
過時獨秀難
共憐芳意晚
秋露未須團

苦練花

唐 溫庭筠

院裏鶯歌歇
牆頭舞蝶孤
天香薰羽葆
宮紫暈流蘇
暎暖迷青瑣
氤氳向畫圖
只應春惜別
畱與博山爐

玫瑰

唐 唐彥謙

麝炷騰清燎
鮫紗覆綠蒙
宮妝臨曉日
錦段落東風
無

力春煙裏多愁暮雨中不知何事意深淺兩般紅

五言排律

和李舍人昆季詠玫瑰花寄贈徐侍郎

唐
盧綸

獨鶴寄煙霜雙鸞思晚芳
舊陰依謝宅新豔出蕭牆
蝶散搖輕露鶯銜入夕陽
雨朝勝濯錦風夜劇焚香
麗日千層豔孤霞一片光
密來驚葉少動處覺枝長
布影期高賞留春為遠方
嘗聞贈瓊玖叨和愧升堂

和李員外與舍人詠冬瑰花寄徐侍郎

唐司空曙

仙吏紫薇郎
奇花共翫芳
攢星排綠蒂
照眼發紅光
暗妬翻階藥
遙連直署香
遊枝蜂繞易
礙刺鳥銜妨
露濕凝衣粉
風吹散藥黃
蒙籠珠樹合
煥爛錦屏張
留客勝看竹
思人比愛棠
如傳採蘋詠
遠思滿瀟湘

七言律

玉燭花

唐劉兼

裊裊香英三四枝
亭亭紅豔照階墀
正當晚檻初開處
恰似春闈就試時
少女不吹方熠燿
東君偏惜未離披
夜深斜倚朱欄外
擬把鄰光借與誰

司直巡官無諸移到玫瑰花

唐徐夔

芳菲移自越王臺
最似薔薇好並栽
穠豔盡憐勝綵繪
嘉名誰贈作玫瑰
春成錦繡風吹坼
天染瓊瑤日照開
為報朱衣早邀客
莫教零落委蒼苔

魚兒牡丹得之湘中花紅而藥白狀類雙魚累

累相比枝不能勝壓而下垂若俛首然鼻目
良可辨葉與牡丹無異亦以二月開因是得
名其餘則芍藥也予名花而賦是詩聞江東
山谷間此品甚多

宋周必大

天教姚魏主芳菲合有宮嬪次列妃玉頸圓瑳宜粉面
霞裙深染學顰衣枝頭窈窕魚雙貫風裏蹁躚鳳對飛
莫把根苗方芍藥留春不似送將歸

紅錦帶花

宋楊萬里

天女風梭織露機
碧絲地上茜藥枝
何曾繫住春歸脚
只解縈長客恨眉
節節生花花點點
茸茸曬日日遲遲
後園初夏無題目
小樹微芳也得詩

詠雪毬花

明
陳鴻

盈盈初發幾枝寒
映戶流蘇百結團
正恐東風先颺盡
不愁遲日易銷殘
淡姿向曉迷蝴蝶
豔色爭春笑牡丹
惟有三郎兒戲甚
還疑跼踖繞叢看

五言絕句

紫荊花

唐 韋應物

雜英紛已積，含芳獨暮春。
還如故園樹，忽憶故園人。

濟之怪余久歸賦，雜言解嘲。

明 王叔承

白苧含閨怨，吳蠶五月空。
但知桑葉綠，不識茜花紅。

七言絕句

看山木瓜花

唐 劉言史

裛露凝氛紫，豔新千般婉。
娜不勝春年年，此樹花開日
出盡丹陽郭裏人。

其二

柔枝濕豔亞朱欄
暫作庭方便
欲殘深藏數片
將歸去
紅縷金針繡取看

逢賈島

唐
張籍

僧房逢著款冬花
出寺行吟日已斜
十二街中春雪滿
馬蹄今去入誰家

種木槲花

唐
柳宗元

上苑年年占物華
飄零今日在天涯
只因長作龍城守

刺種庭前木槲花

翫迎春花贈楊郎中

唐

白居易

金英翠萼帶春寒
黃色花中有幾般
憑君語向遊人道
莫作蔓菁花眼看

紫陽花

白居易

何年植向仙壇上
早晚移栽到梵家
雖在人間人不識
與君名作紫陽花

代迎春花招劉郎中

白居易

幸與松筠相近栽，不隨桃李一時開。
杏園豈敢妨君去，未有花時且看來。

南園

唐

李賀

長巖谷口倚松家，白晝千峯老翠華。
自履藤鞋收石蜜，手牽苔絮長純花。

憶紫谿

唐

徐凝

長憶紫谿春欲盡，千巖交暎水回斜。
巖空水滿谿自紫，水態更籠南燭花。

寄山僧

唐趙嘏

雲裏幽僧不置房
椽花藤葉蓋禪牀
朝來逢著山中伴
聞說新移最上方

燕翁花

唐李郢

十二街中何限草
燕翁盡欲占殘春
黃花撲地無窮極
愁殺江南江北人

虎丘寺西小谿閒汎

唐皮日休

鼓子花明白石岸
桃枝竹覆翠嵐谿
分明似對天台洞

應厭頑仙不肯迷

小遊仙詩

唐

曹唐

芝蕙芸花爛熳春
瑞香煙露濕衣巾
玉童私地誇書札
偷寫雲瑤暗贈人

金燈花

唐

薛濤

欄邊不見叢叢葉
砌下惟翻豔豔叢
細視欲將何物比
曉霞初疊赤城宮

金燈花

唐

闕名

蘭膏熱處心猶淺銀燭燒殘焰不馨好向書生窗畔種
免教辛苦更囊螢

海仙花詩

海仙花者世謂之錦帶維揚人傳云初得於海州山谷間其枝長而花密

若錦帶然其花未開如海棠既開如木瓜而繁麗嫋弱過之一朶滿頭冠不克荷惜其不香而無子弟可鈎壓其條移植他所因以釋草釋木驗之皆無有也近之好事者作花譜以海棠為花中神仙子謂此花不在海棠下宜以仙為號目之錦帶俚俗甚焉又取始得之地名曰海仙且賦詩三章以存其名題諸僧壁錄二

宋

王禹偁

一堆絳雪壓春叢
嫋嫋長條弄晚風
借問開時何所似
似將繡被覆薰籠

其二

何年移植在僧家
一簇柔條綴綵霞
錦帶為名俚且俗
為君呼作海仙花

次韻郁李花

宋
趙抃

花縣逢春對曉暉
朱朱白白綴繁枝
梅先菊後何須校
好似人生各有時

扶桑

宋 蔡襄

谿館初寒似早春
寒花相倚媚行人
可憐萬木凋零盡
獨見繁枝爛熳新

洛城雜詩

宋 韓維

無數長條亂曉風
誰將紫錦覆春叢
殘英點落青苔面
獨倚朱欄細雨中

微雨中賞月桂獨酌

宋 陳與義

人間跌宕簡齋老
天下風流月桂花
一壺不覺叢邊盡

暮雨霏霏欲濕鴉

寶相花

宋 范成大

誰把桑條夾砌栽
壓枝萬朶一時開
為君也著詩收拾
題作西樓錦被堆

聞傅氏莊紫笑花開
急棹小舟觀之

宋 陸游

日長無奈清愁處
醉裏來尋紫笑香
漫道閒人無一事
逢春也似蜜蜂忙

閒詠園中草木

陸游

剪刀葉畔戲魚回
幘子花頭舞蝶來
領畧年光屬閒客
一樽自勸不須推

春晚邨居雜賦

陸游

鶯兒草綠侵行路
幘子花明照屋除
處處乞漿俱得酒
杖頭何恨一錢無

三峽歌

陸游

亂插山花簪子紅
蠻歌相和灤西東
忽然四散不知處

躡月捫蘿歸洞中

剪春羅

宋

翁元廣

誰把風刀剪薄羅
極知造化著功多
飄零易逐春光老
公子尊前柰若何

小泊英州

宋

楊萬里

人人藤葉嚼檳榔
戶戶茅簷覆土牀
只有春風不寒乞
隔谿吹度柚花香

歸自豫章復過西山

楊萬里

一眼苔花十里明
忽疑九月雪中行
我行莫笑無騶從
自有西山管送迎

新晴西園散步

楊萬里

池水初生蓋玉沙
雨餘碧草卧堤斜
日搖波影纏橋柱
繡出藥枝徧地花

山居

金
元好問

斜陽高樹挂晴虹
肅肅微涼雨氣中
一道鷺鷥花不斷
密香吹滿馬頭風

臺山雜詠

元好問

一國春風帝子家
綠雲晴雪間紅霞
香綿穩藉僧谿草
蜀錦驚看佛鉢花

賦餅中雜花

予絕愛未開杏花故末篇自戲

元好問

老眼驚看節物新
今年更與酒杯親
東山一道花如繡
從此他鄉不是春

其二

生紅點點弄嬌妍
半坼花房更可憐
傳語春風好將護

莫教容易作銀錢

其三

紅抹蘭膏綠染衣
綠嬌紅小兩相宜
華邊剩有清香在
木石癡兒自不知

其四

素豔來從月姊家
溫風淑氣發春華
人間自有交枝玉
天上休開六出花

其五

昨日桃花錦片新
兔葵今日到殘春
低枝留得稀疎朵
比似全開更惱人

其六

古銅餅子滿芳枝
裁剪春風入小詩
看著海棠如有語
杏花也到退房時

雨晴

金趙秉文

一春不雨漫塵黃
碧瓦朝來汎霽光
畱得紫威花上露
幾招渴燕下雕梁

塞上曲

元 納新

雙鬟小女玉娟娟，自捲羅簾出帳前。
忽見一枝長十八，折來簪在帽簷邊。

長十八
草花名

三月廿日題所寓屋壁

元 倪瓚

梓樹花開破屋東，鄰牆花信幾番風。
閉門睡過兼旬雨，春事依依是夢中。

登雙鳳普福宮東樓贈吳道傳時周境存隱君

同席

元 王逢

樓殿岑堯上赤霞水紋蟠鳳卧靈槎石棊盤靜香烟直
簾下雙頭百合花

粉團花下夜飲

元
錢惟善

萬花碎剪玉團團晴雪飛香夜不寒恰似玉人相對立
酒尊移月近前看

上京次貢待制韻

元
涂穎

海風吹雨度龍沙滿眼金蓮紫菊花日暮笙歌何處起
高低穹帳五侯家

謾成

元馬臻

槐陰滿院喧巢鴉
蜜房香老蜂趁衙
鄰家艇子釣魚去
水光搖動金蓮花

嶺南雜詠

明汪廣洋

榕樹陰陰集暮鴉
竹深人靜似仙家
芭蕉小苑垂雙實
茉莉南州壓萬花

南唐故址

明葉子奇

唐主宮垣集暝鴉
垣邊幾座野人家
尚餘一片繁華地

宜種紅藍內苑花

發淮安

明
楊士奇

岸蓼疎紅水荇青
茨菰花白小如萍
雙鬢短袖慙人見
背立船頭自采菱

秀上人課經圖

明
鐺泰

山繞清谿樹繞亭
隔雲金磬曉泠泠
道人不管花開落
白乳香中讀觀經

訪包山徐德彰

明
陳寬

青山湖上是君家有約來看巨勝花
蹋破白雲秋一片不知還隔幾重霞

畫了蘭

明陸治

玉戟稜稜應節分枝枝柔玉紐香雲凝妝擬待三更月
露染生綃六幅裙

馬蘭花

明舒芬

金氣稜稜澤國秋馬蘭花發滿汀洲
富春山下連魚屋采石江頭映酒樓

虞美人

明孫齊之

薔薇開盡綠陰涼
西國名花此際芳
夜月空懸漢宮鏡
幽姿猶帶楚雲妝

御定佩文齋詠物詩選卷三百七十五